

摘藻堂四庫全書薈要

集部

欽定四庫全書薈要

集部

誠齋集卷十五

十六

詳校官助教臣謝登雋



欽定四庫全書會要卷一萬五千五百九十二

集部

誠齋集卷十五

宋 楊萬里 撰

南海集

庚子正月五日曉過大皋渡

霧外江山看易昏
盡憑雞犬認前村
渡船滿板霜如雪
印我青鞋第一痕



詩

危沙崩岬欲侵檣直下青江百尺強過了筍輿元未覺
忽然回首冷思量

曉霧

不知香霧濕人鬚日照鬚端細有珠政是春山眉樣翠
被渠淡粉作糊塗

送胡端明赴召

紫泥夜下日星輝赤烏朝看袞繡歸中國如今相司馬
四夷見說問緋衣金魚玉帶明霜鬢斗極台符拱太微

衛武年齡子儀考一身雙美古來稀

曉出郡城往值夏謁胡端明泛舟夜歸

郡城至值夏兩日非寬程奔走豈吾願詔書促南征出
郭星未已歸棹月已生問人水深淺舟子喧未謦水石
代之對淙然落灘聲危峰起夕蒼暗潭生夜清江轉風
颯至病肩難隱稜添衣初懶尋忍寒良不能近城一二
里遠岬三四燈望關恐早閉驅舟祇遲行多情半環月
久矣將西傾欲落且小留知我要入城月細光未多大

星助之明至舍心未穩麗譙才一更

之官五羊過太和縣登快閣觀山谷石刻賦
兩絕句呈知縣李紳公垂主簿趙蕃昌父

閣中陳迹故依然欲問風流已百年南岼一峰東一壩
自言曾識老詩仙

廬陵山水說西昌天遣金華印此邦詩本道他將取去
如何遺下一澄江

題龍舜臣遜志齋

龍子辛勤詩紙田少年筆勢已翩翩欲知聖處真消息
不是原夫一兩聯

二月一日曉渡太和江

綠楊接葉杏交花嫩水新生尚露沙過了春江偶回首
隔江一岼好人家

曉翠妨人看遠山小風偏入客衣單桃花愛做春寒信
只恐桃花也自寒

二月初頭春雨中花梢薄日柳梢風折花客子渾無賴

狼籍須教滿路紅

晨炊黃宙舖飯後山行

山行行得軟如綿急上籃輿睡霎間夢裏只聞人喝道
不知過盡數重山

宿灘頭海智寺

平生行路敢求安便要求安也大難古寺無門更無壁
若教半夜作春寒

明發海智寺遇雨

枉教一月費春風不及朝來細雨功
草色染來藍樣翠
桃花洗得肉般紅

可惜新年雨未多不妨剝與決
天河農人皺得眉頭破
無水種秧君奈何

題太和主簿趙昌父思隱堂

西昌主簿如禪僧日餐秋菊嚼春冰
西昌官舍如佛屋
一物也無惟有竹俸錢三月不曾支
竹陰過午未晨炊
大兒叫怒小兒啼乃翁對竹方哦詩
詩人與竹一樣瘦

金
五
日
人
卷
十
五
詩句與竹一樣秀故山蒼玉搖綠雲月梢風葉最閒身
勸渠未要先思隱且與西昌作好春

萬安道中書事

玉峰雲剝逗斜明花徑泥乾得晚行細細一風寒裏暖
時時數點雨中晴

攜家滿路踏春華兒女欣欣不憶家騎吏也忘行役苦
一人人插一枝花

桃花薄相點臙脂輸與梨花雪作肌只有垂楊不脂粉

縷金鋪翠襯腰肢

萬安出郭早行

玉花小朶是山礬香殺行人只欲顛風掠水衣無處去
柳塘着在角頭邊

皇恐灘

兩山夾岸走蒼龍未放中間過玉虹只愛當頭一峯好
一峯外面更三峯

只愁江水去無還石打銀濤倒上灘道是此灘天下惡

古今放過幾檣竿

小煩溪友語陽侯好遣漂沙蓋石頭能費奔流多少力
前頭幸有一沙洲

過皂口

贛石三百里春流十八灘路從青壁絕船到半江寒不
是春光好誰供客子看猶須一尊綠併遣百憂寬

宿皂口驛

倦投破驛歇征驂喜見山光正蔚藍不奈東風無檢束

亂吹花片點春衫

晚過皂口嶺

夜渡驚灘有底忙
曉攀絕磴更難當
周遭碧嶂無人跡
圍入青天小冊方
半世功名一雞肋
平生道路幾羊腸
何時上到梅花嶺
北望螺峰半點蒼

道傍小桃

吹盡殘桃無可殘
也無地上落花痕
獨行尋到青苔處
拾得嫣紅一片看

晨炊皂徑

問路無多子驅車半日間行穿崕石古踏破蘚花斑綠
語鶯邊柳青眠水底山人家豈無地爭住小溪灣

步過分水嶺

路險勞人殺儂須下轎行石從何代落巖傍舊根生古
樹無今態幽泉有暗聲只言章貢近猶自兩三程

憇分水廟望鄉

嶺頭泉眼一涓流南入虔州北吉州只隔中間些子地

水聲滴作兩鄉愁

嶺北泉流分外忙一聲一滴斷人腸
浪愁出却廬陵界未入梅鄉總故鄉

桂源嶺

萬山不許一溪奔攔得溪聲日夜喧
到得前頭山腳盡堂堂溪水出前村

社日南康道中

東風試暖却成寒春恰平分又欲殘
淡著烟雲輕著雨

近遮草樹遠遮山人行柳色花光裏天接江西嶺北間
管領社公須竹葉在家在外正如間

小溪至新曲

人烟慙慙不成村溪水微茫劣半分流到前灘忙似箭
不容雨點稍成紋

只愛孤峯惹寸雲忽驚頭上雨翻盆北來南去緣何事
路上君看屐子痕

晚雲解事忽離披放出千峰特地奇欲揀一峰誰子是

總如筆未退尖時

懊惱春光欲斷腸
來時長緩去時忙
落紅滿路無人惜
踏作花泥透脚香

二月十九日度大庾嶺題雲封寺

梅山未到未教休
到得梅山始欲愁
知道望鄉看不見
也須一步一回頭

小立峰頭望故鄉
故鄉不見只蒼蒼
客心恨殺雲遮却
不道無雲即斷腸

梅葉成陰梅子肥
梅花應恨我來遲
明年若寄江西信
莫折南枝折北枝

行看南來今幾春
一回舉似一回新
鉢盂奪得知何用
不怕梅花解笑人

題南雄驛外計堂

攜家度嶺夜乘槎
小泊凌江水北涯
二月山城無菜把
一年春事又楊花
舉頭海國星辰近
回顧梅山草樹遮
客子相逢聞好語
看山咫尺到南華

二月二十三日南雄解舟

昨夜新雷九地鳴
今朝春漲一篙清
順流更借江風便
此去韶州只兩程

水沒蒲芽尚有梢
風吹屋角半無節
急灘未到先聞浪
枯樹遙看只見巢

舟過黃田謁龍母護應廟

遠山相別忽相尋
水到黃田漸欲深
見說前頭山更好
且留好句未須吟

南康名酒有殘樽
急喚荷杯作好春
紫幕能排北風冷
夕陽偏惜半船溫

舟過謝潭

風頭纔北忽成南
轉眼黃田到謝潭
髣髴一峯船外影
褰帷急看紫巉巖

夾江百里沒人家
最苦江流曲更斜
嶺草已青今歲葉
岸蘆猶白去年花

碧酒時傾一兩杯
船門纔閉又還開
好山萬皺無人見

都被斜陽拈出來

明發階口岸下

破曉篙師報放船
今朝不似昨朝寒
夢中草草披衣起
愛看輕舟下急灘

過鄭步

漸有人家松桂叢
韶州山水勝南雄
未須青惜峰巒過
過了諸峰得好峰

過鼓鳴林小雨

浙浙船篷雨點聲疎疎江面縠紋生石峰斗起三千丈
身在假山圍裏行

下瀧小舫戴尖篷未論千峰與萬峰只是舟人頭上笠
也堪收入畫圖中

明發韶州過赤水渴尾灘

石山七峯皆尖秀而一峯最高

船下驚灘浪正喧花汀水退走沙痕一峰忽自雲端出
只見孤尖不見根

三月一日過摩舍那灘阻雨泊清溪鎮

一聲霹靂霽光收
急泊荒茅野渡頭
摩舍那灘衝石過
舅陔羅影漾江流
山纔入眼雲遮斷
船欲追程雨見留
夜宿清溪望清遠
舉頭不見隔英州

過盡危灘百不堪
忽驚絕壁翠巉巖
倒垂不死千年樹
下拂奔流萬丈潭
隔岸數峯如筆格
倚天一色染青藍
真陽此去無多子
到日應逢三月三

小泊英州

人人藤葉嚼檳榔
戶戶茅簷覆土床
只有春風不寒乞

隔溪吹度袖花香

數家草草劣無多
跼水飛鳶也不過
道是荒城斗來大
向來此地著東坡

過真陽峽

玉削雙崖一水通
一重重盡一重重
平生山水看多少

最愛真陽第二峰

石山四峯北來
第二峯絕奇

莫道無人逕亦窮
尚餘碧篠伴青楓
白雲不是從天降
坐看生從翠崦中

仰見青天尺許青無波江水不勝平只驚白晝山竹裂
杜宇初聞第一聲

堪笑跳波數百灘如何入峽頓無喧人言此峽如巴峽
只欠三聲墮淚猿

榕樹陰中一葦橫鷓鴣聲裏數峰青南人到此亦腸斷
不是南人作麼生

百灘千港幾濤波聚入真陽也未多若遣峽山生塞了
不知江水倒流麼

晨炊光口砦

泊船光口存晨炊野飯匆匆不整齊
新摘柚花薰熟水旋撈萑苳浥生蘼
儘教坡老食無肉未害山公醉似泥
過了真陽到清遠好山自足樂人飢

出峽

朝來入峽悶船遲也有欣然出峽時
山色亦如人送客送行倦了自應歸

船行儘緩底須忙詩卷聊堪度日長
瓶裏柚花偷觸鼻

忽然將謂是燒香

過沙頭

非烟非雨淡濛濛
深閉窓扉護晚風
船外山光簾裏翠
岸頭花影鏡中紅

過了沙頭漸有村
地平江濶氣清溫
暗潮已到無人會
只有篙師識水痕

昨來飛榜下危瀧
不敢窺窓只閉窓
莫歎江平船不進
只將行役當遊江

題清遠峽山寺

只道真陽天下稀
不知清遠亦幽奇
攀崖下照龍湫水
細詠東坡老子詩

見說巖中雪色猿
嘯聲時出翠微間
不看新月初三夜
却覓當時舊玉環

船中蔬飯

食蕨食臂莫食拳
食筍食梢莫食根
何曾萬錢方下筯
先生把菜亦飽去
嶺南風物似江南
筍如東蕨作籃

先生食籍幾萬卷千巖萬壑皆厨傳

過胥口鎮

桄榔葉垂翠羽鮮木棉花暖紫霞翻疾雷急雨忽開霽
淡白雲拂濃青山

清明日欲宿石門未到而風雨大作泊靈星
小海

風雨來從海外天靈星海裏泊樓船坐吟苦句斟愁酒
也是清明過一年

峽山前夕石間行泊得船時破胆驚驚到今宵已無胆
聽風聽浪到天明

石門欲到更無疑隔岸風濤未可期到得石門非不好
只愁未到石門時

一生行路竟如何樂事還稀苦事多知是風波欺客子
不知客子犯風波

波濤端不為君休風雨何曾管客愁自古詩人磨不倒
一樽大笑謝陽侯

石門未到未為遲小泊靈星也自奇此去五羊三十里
明朝還有到城時

五羊官舍春盡晚步西園荷橋

波底金鷗奪眼明脚根蟠蝨界天橫瘦籐欲度還休去
試看荷錢幾箇生

讀天寶事

日晚無烟起御厨野人豆飯未嫌麤要知魚子炊香日
正是梨花帶雨初

西園晚步

龍眼初如菜豆肥荔枝已似佛螺兒南荒北客難將息
最是殘春首夏時

為愛荷池日日來一來一度眼雙開畫船不曉風相戲
猛觸花堤得倒回

三月晦日遊越王臺

榕樹梢頭訪古臺下看碧海一瓊杯越王歌舞春風處
今日春風獨自來

越王臺上落花春一掬山光兩袖塵隨分杯盤隨處醉
自憐不及踏青人

四月八日嘗新荔枝

一點胭脂染蒂旁忽然紅徧綠衣裳紫瑤骨骼丁香瘦
白雪肌膚午暑涼掌上冰丸那忍觸樽前風味獨難忘
老饕要啖三百顆却怕甘寒凍斷腸

夏日書事

一字看成兩霜鬚摘轉多既無書冊分奈此日長何荔

子紅初皺春醅碧欲波
醉來愁自去不去亦從它

四月中休日聞蟬

荔枝葉底暑陰清已有新蟬一兩聲
荷露柳風餐未飽
怪來學語不分明

觀書

客從遠方至遺我書一編
覽舊眼全痛誦新神頓還初
披愁欲盡久翫翳不妍
情知無佳處
勉復竟篇庶幾
槁滓中或澀腴一涓
終然寂無獲所獲倦且昏
倦甚得

佳睡猶勝不得眠

得壽仁壽俊二子中塗家書二首

二子別我歸兼旬無消息客有饋荔枝盈籃風露色絳
羅蹙寶髻冰彈濺粘液老夫非不饒忍饒不忍喫急呼
兩健步為我致渠側默數川陸程幾日當返役惟愁香
味壞色變那敢惜十日兩騎還千里一紙墨把書五行
下廢書雙淚滴不如未到時當喜翻不懌

子壯祇覺幼子學祇覺遲二子忽頽然語離又作悲今年

來官下二子暫我隨懸知住不久且復相從嬉鶴書自天
降槐花呼汝歸伯也恐我愁願留不忍辭仲也慘不釋飛
鳴思及時豈有鳳將雛雛長禁其飛決焉遣還家一笑更
不疑傍人怪無淚淚入肝與脾我昔如汝長壯志在四方
集賢給筆札秉燭促夜裝平明出門去振衣不傍徨先
君泣然泣感我令我傷先君顧我語汝行勿斷腸它日
汝養子此悲會身當老懷追陳迹心折涕泗滂

繡破篋得張敬夫唱和詩

年年不是不吟詩
吟得詩成寄阿誰
留取朱絃不須斷
只將瑤匣鎖蛛絲

休日

休日稀公事
炎天廢故書
未須搔白首
留取試新梳
不是平生嬾
何緣作計疎
閒攜小兒女
橋上看芙蕖

宴客夜歸六言

月在荔枝梢
上人行抹利
花間但覺胸
吞碧海不知身

落南蠻

端午後頓熱

只今新暑已歎然作麼禁當六月天飛上風前最涼處
年年輸與柳梢蟬

夏至後初暑登連天觀

登臺長早下臺遲移遍胡床無處移不是清涼罷揮扇
自緣手倦歇些時

六月九日曉登連天觀

小立層臺岸幅巾雛鶯作伴更無人曉風草草君知麼

不為高荷惜水銀

七夕新涼

商量秋思是寒蟬將息
荷花得早涼五嶺從來說炎熱
朝來已怯葛衣裳

誠齋集卷十五

欽定四庫全書薈要卷一萬五千五百九十三

集部

誠齋集卷十六

宋 楊萬里 撰

詩

南海集

雨霽登連天觀

高臺十日不曾登
雨後搭藤拄晚晴
城外諸峰迎落照
松根細草總斜明
眼穿嶺北書不到
秋入海南愁頓生

只有荷花舊相識
風前翠蓋為人傾

秋夕雨餘

虛堂無人獨自行
畫簷雨歇殘點聲
朝來餘暑忽然過
昨來殘暑誰能那
一生畏暑如於菟
老年畏暑菟不如
人言嶺南分外熱
匹似江南猶可說
今年六月雨如秋
只今七月當更愁
短檠幸未臥墻角
喚取渠來相博約
老眼那能舒簡編
只要玉蟲伴杯酌

游蒲澗呈周帥蔡漕張舶

勝日從公蒲澗游，萬壑聲滿千崖秋。一徑如蛇三百曲，繞盡山腹到山頭。穹巖千仞欲裂仰，看飛泉瀉雲窟。鏘成環珮奏成琴，濺作珠璣霏作雪。步穿危磴攀蒼藤，忽上穹巖頂上行人。在半天泉在井，不敢下瞰惟聞聲。只怪前驅深不見，須臾却向前山轉。海風吹袖萬丈長，海水去人一弓遠。老僧高臥晏未興，先遣長松夾道迎。小參古殿黃面老，不見舊日安期生。景泰上方半堵壁，城中望之雪山白。却從景泰望城中，曉日樓臺煥金碧。

君不見中流千金博一壺不如游山飢時粥一盂金印
繫肘大如斗不如游山倦時一杯酒安期飛昇今幾年
祖龍不是不求仙至今年年七月二十五傾城遊人來
訪古

得壽仁壽俊二子書皆以病不及就試且報
來期

二子何時到三秋欲盡頭收渠半張紙洗我一年愁不
得毛錐力元非子墨羞海山寒更碧整駕待同遊

滿望鵬飛上誰令馬不前
草玄真浪苦曳白亦無緣
兄弟年二十塵埃路四千
速來飲官酒不用一銅錢

送蔡定夫赴湖南提刑

菊後霜前換繡衣
湖南嶺北看梅枝
還將方策汗青語
拈出園扉草綠時
四海幾人憐我老
三年兩作送君詩
惜今貴殺衡陽紙
半幅無妨慰夢思

方丈蓬萊第一人
星軺玉節正青春
只今回雁峯頭客
曾觸神龍頷下鱗
未遣五紋朝補袞
便應三字夜司綸

湘江綠淨不可唾却要珠璣歎唾新

和石湖居士范至能與周子充夜遊石湖松

江詩韻

石湖醉眼小太空烏紗白紵雙鬢蓬翰林來從昭回上
滿袖天香山水中青山半邊日欲沒珠宮湧出初圓月
兩仙一棹軟琉璃碎撼廣寒桂花雪中流浪作凜不回
兩手播灑千銀堆不知浩浩洪流後曾有茲遊竒特來
古人今人烟一抹誰煎麝角續絃絕一生句裏萬斛愁

只白秋來千丈髮

遣騎問訊范明州參政報章寄二絕句和韻

謝之

南海人從東海歸新詩到日恰梅時
撚梅細比新詩看
未必梅花瘦似詩

一別姑蘇江上臺綠波碧草恨悠哉
忽然兩袖珠璣滿
割取三吳風月來

至日薄寒

舊傳冬不到南中今歲南中稍稍冬曦幕暖吹紅皺起
霜橋冷步縞聲鬆裁縫苦思詩千首排遣清愁酒一鍾
不是梅花開獨早似憐北客老相逢

晚登連天觀望越臺山

暮山如淡復如濃烟拂山前一兩重山背更將霞萬疋
生紅錦障裏青峰

近臘暄甚

霜日知春有信歸臘前偷暖漏春暉北風也剪寒梢葉

吹作鶯黃亂蝶飛

西園早梅

已刻酥花趁臘前更團蠟糝等春妍不知天巧能多少
一朵梅花占兩年

小朵生來便瘦斜藥宮桂殿卽渠家只言瘴雨無南雪
為底橫枝雪作花

病中夜坐

月留銀漢小徘徊似戀空庭獨樹梅玉漏聽來更二點

金方口人卷十六
燭花剪了暈重開病身不飲看人醉乾雪無端上鬢來
後日老衰知健否如今六九已推隕

辛丑正月二十五日遊蒲澗晚歸

桃李深酣日池塘淺試春霽暉搖遠水新暖軟遊人生
酒清無色青梅脆有仁烟鐘能底急催我入城闈

三月一日雨寒

南方氣候北方殊春裏清寒臘裏無雨入竹林渾不見
只來葉尾作真珠

補盡窓櫺閉盡門
茶甌火閣對爐熏
中庭淺水休教掃
正要留看雨點紋

梳頭正美睡相催
理盡霜絲夢恰回
窓隙小風能幾許
也吹蛛網去還來

姚黃魏紫向誰賒
郁李櫻桃也淺些
却是南中春色別
滿城都是木綿花

只見春晴道是晴
不知半夜嫩寒生
疾風吹落林間雨
細雨還成大雨聲

謝福建茶使吳德華送東坡新集

黃金白壁明月珠清歌妙舞傾城姝他家都有儂家無
却有四壁環相如此外更有一床書不堪自飽飽蠹魚
故人遠送東坡集舊書避席皆讓渠兒時作劇百不嬾
說著讀書偏起晚乃翁作惡嗔兒痴強遣飢腸饒蠹簡
老來萬事落人後浪取故書遮病眼病眼逢書輒著花
筆下蠅頭成老鴉病眼將奈故書何故書一開一長嗟
東坡文集儂亦有未及終篇已停手印墨模糊紙不佳

亦非魚網非科斗富沙棗木新雕文傳刻疎瘦不失真
紙如雪繭出玉盆字如霜雁點秋雲老來兩眼如隔霧
逢柳逢花不曾覩只逢書冊佳且新把翫崇朝那肯去
東坡痴絕過於儂不將一褐易三公只將筆頭挂月脇
萬古凡馬不足空故人憐我老愈拙不寄金丹扶病骨
却寄此書來惱人挑落青燈搔白髮

新晴西園散步

久雨令人不出門新晴喚我到西園要知春事深和淺

試看青梅大幾分

池水初生蓋玉沙
雨餘碧草臥堤斜
日搖波影纏橋柱
繡出欒枝遍地花

紅雨斑斑竹外蹊
黃金嫋嫋水邊絲
舉頭揀遍低陰處
帶葉青梅折一枝

厭見山居要出來
出來厭了却思回
人生畢竟如何是
且看桃花晚蒼開

連天觀望春憶毗陵翟園

中和節後社前時春到園林最晚枝弄水不冰攜扇手
登臺猶粟向風肌烏烏聲裏山光溼花柳陰中日脚遲
北望翟園春正鬧海棠錦繞雪荼蘼

二月將半寒暄不常

南中冷暖直難齊一日之間具四時脫了又添添又脫
寒衣暑服鎮相隨

二月十三日謁西廟早起

起來洗面更焚香粥罷東窓未肯光古語舊傳春夜短

漏聲新覺五更長
近來事事都無味
老去波波有底忙
還憶山居桃李晚
醅釀為枕睡為鄉

寄題蕭國賢佚我堂

軟紅塵裏幾時休
重碧杯中且拍浮
坐看痴兒夸捷足
可憐到老不回頭
幅巾藜杖聊三徑
明月清風自一丘
我亦年來厭奔走
夢騎野鶴訪沙鷗

題桄榔樹

化工到得巧窮時
東補西移也大奇
君看桄榔一窠子

竹身杏葉海棠枝

春晴懷故園海棠

故園今日海棠開
夢入江西錦繡堆
萬物皆春人獨老
一年過社燕方回
似青如白天濃淡
欲墮還飛絮往來
無那春光餐不得
遣詩招入翠瓊杯

竹邊臺榭水邊亭
不要人隨只獨行
乍暖柳條無氣力
淡晴花影不分明
一番過雨來幽徑
無數新禽有喜聲
只欠翠紗紅映肉
兩年寒食負先生

予去年正月離家之官
蓋兩年不見海棠矣

金方口人卷十一
卷十一
初食笋蕨

魚鳳烹龍世浪傳，猩脣熊掌我無緣。
只逢笋蕨杯盤日，便是山林富貴天。
穉子玉膚新脫錦，小兒紫臂未開拳。
只嫌嶺外無珍饌，一味春蔬未直錢。

上已前一日欲雨復晴

去年上巳正南來，明日初三忽又催。
雨壓雲頭渾欲落，風翻日脚急吹開。
莫因嶺外無花卉，便對春光廢酒杯。
只揀茂林脩竹處，蘭亭禊事足追回。

寒食對酒

荔枝園園花寒食日日雨先生老多病頗已疎綠醕兒
童喜時節笑語治樽俎南蔬聊前陳北果亦草具蝸蟬
方纔甘笋蕨未作苦先生欲獨醒兒意難多拒初心且
一杯三杯亦漫許醒時本強飲醉後忽快舉一杯至三
杯一二三四五偶然問兒輩卒爵是何處兒言翁但醉
已忘酒巡數

三月晦日閒步西園

嶺南春去儘從伊元自無花可得飛只有草花偏稱意
強留蝴蝶不教歸

閏三月二日發船廣州來歸亭下之官憲臺
詩人正坐愛閒遊天遣南遊天盡頭到得廣州天盡處
方教回首向韶州

曉過石門回望淨慧埕

昨晚匆匆解畫船石門未到已黃昏殷勤淨慧烟中埕
送我今朝過石門

舟行得風晚至靈州

春盡儂隨去江行興未窮
時煩數點雨輕洒一孤篷
岼樹蒼茫外人家點綴中海
神能餞我借與半帆風

明發青塘蘆包

青塘無店亦無人只有青蛙紫蚓聲
蘆荻葉深蒲葉淺荔枝花暗棟花明
船行兩岸山都動水入諸村海旋成
回望越臺烟雨外萬峯盡處五羊城

過胥口江水大漲舟楫不進

北江西水兩相逢
胥口波濤特地雄
萬事向儂冰與炭
一生行役雨和風
急灘欲上人聲鬧
近岸還移牽去路窮
河伯喜歡儂苦惱
併將恩怨惱天公

岸沙

水嫌岸窄要衝開
細蕩沙痕似剪裁
蕩去蕩來元不覺
忽然一片岸沙摧

遣悶

江樹深春色
村雞薄晚聲
雨添青笠重
人減畫船輕
遣

悶惟須睡哦詩只強成獨判連日雨却惜半朝晴

曉發黃巢磯

清遠山前烟雨濛黃巢磯畔水連空旋芟蘆荻炊朝飯
更斫芭蕉補漏篷

水落

桑椹垂紅似荔支荻芽如臂與人齊夜來水落知深淺
看取芭蕉五尺泥

輕寒瑟瑟入船中閉却船門下却篷要得新晴江水落

不應更恨打頭風

蟹戶

天公分付水生涯從小教它踏浪花煮蟹當糧那識米
緝蕉為布不須紗夜來春漲吞沙嘴急遣兒童斲荻芽
自笑平生老行路青山堆裏正浮家

回望黃巢磯之險心悸久之

夜雲到曉不教收初日微明又却休雨為岸花新洗面
水撩江草欲搖頭千篙百棹力都竭十里九磯船正愁

若到峽中應更險却思峽外是安流

入峽歌

峽山未到日日愁峽山已到愁却休不是朝來愁便散
愁殺人來天不管昨宵遠望最高尖今朝近看雲隔簾
樓船衝雨過山下兩扇屏風生色畫江神不遣客心驚
雲去雲來遮岩扃忽然褰雲露山脚仰見千丈翠玉削
篙師相賀漲痕落今夕可到鴉磯泊

峽山寺竹枝詞

峽裏撐船更不行
權郎相語改行程
却從西岸拋東岸
依舊船頭不可撐

一水雙崖千萬縈
有天無地只心驚
無人打殺杜鵑子
雨外飛來頭上聲

龜魚到此總回頭
不但龜魚蟹亦愁
底事詩人輕老命
犯灘衝石去韶州

一灘過了一灘奔
一石橫來一石蹲
若怨古來天設險
峽山不到也由君

天齊浪自說崕溪峽與天齊真箇齊未必峽山高爾許
看來只恐是天低

峽中得風掛帆

樓船上水不寸步兩山慘慘愁將暮一聲霹靂天欲雨
隔江草樹忽起舞風從海南天外來怒吹峽山山倒開
百夫絕叫椎大鼓一夫飛上千尺桅布帆掛了却袖手
坐看水上鷺毛走

夜泊鷓鴣磯

峽中盡日没人烟
船泊鴉磯也有村
已被子規酸骨死
今宵第一莫啼猿

過顯濟廟前石磯竹枝詞

石磯作意惱舟人
束起波濤遣怒奔
撐折萬篙渾不住
石磯贏得萬餘痕

大磯愁似小磯愁
篙稍寬時船即流
撐得篙頭都是血
一磯又復在前頭

泊光口

風平浪靜不生紋水面渾如鏡面新忽有暗流江底出
浪翻水面作車輪

過虎頭磯

虎臥中流扼兩涯目光鬚怒首仍回真陽峽裏君須記
箇是瞿塘灩澦堆

真陽峽

清遠雖佳未足觀真陽佳絕冠南蠻一泉嶺背懸岨出
亂洒江邊恠石間夾岨對排雙玉筍此峯外面萬青山

金安口石台
卷十六
險艱去處多奇觀自古何人愛險艱

夜泊英州

旅病情先惡愁眠夢更驚犬須終夕吠月到五更明未
解波頭意偏來枕底聲平生厭行路投老正追程

阻風鍾家村觀岼傍物化

水蟲纔出綠波來細看爬沙上石崖化作蜻蜓忽飛去
幾時飛去却飛回

殼如蟬蛻濕仍新那復浮沉浪底春却把今身飛照水

不知石上是前身

題鍾家村石崖

莫愛懸崖萬丈高，只工險峭作風濤。
看來一一生窠眼，解與行人着過篙。

水與高崖有底寬，相逢不得鎮相喧。
若教漁父頭無笠，只著蓑衣便是猿。

阻風泊鍾家村離英州已三日纔行二十里
南遊端為看山來，過眼匆匆首屢回。
不是阻風船不進

何緣看盡萬崔嵬

滿船兒女厭江行我愛江行怕入城慙愧風師教款曲
為分一舍作三程

檝風伯

峭壁呀呀虎擘口惡灘洶洶雷出吼
泝流更着打頭風
如撐鐵船上牛斗風伯勸爾一杯酒
何須惡劇驚詩叟
端能為我霽威否岸柳掉頭荻揺手

嶺雲

好山幸自綠蘄蘄須把輕雲護淺嵐天女似憐山骨瘦
為縫霧縠作春衫

病中止酒

葛衣著了却生寒風勢顛時正上灘客裏無聊已無奈
更教止酒過春殘

江草江花怨阿誰山風山雨總成悲春愁萬斛無安頓
旋旋分張乞小詩

明發陳公逕過摩舍那灘石峯下

遙松烟未消近竹露猶滴石峯矜孤銳喜以江自隔清
潭涵曦紫碧岫過雲白回瞻宿處堤路轉不可覓地迴
人絕影山僻虎留跡下有無底潭上有欲落石是間一
逕橫夾以萬松直樹從何時有陳公所手植陳公今安
在逕松自寒碧

昨宵望石峯相去無一尺今日行終朝祇遶石峯側石
峯何曾遠江路自不直仰瞻碧孱顏清峻如立壁反覆
得細看何必更登涉

後顧江已遠前睨山若塞棹進岸自回天水未有極簾
欣入絕巘舟愕觸潛石東瞰澹未熹北吹寒更寂岸草
不知愁向人弄晴碧

澄潭湧晴暈不風自成花回流如倦客出門復還家江
晴已數日新漲沒舊沙知是前溪雨濕雲尚橫斜

山轉江亦轉江行山亦行風鬟照玉鏡素練縈青屏我
本山水客澹無軒冕情塵中悔一來事外懷孤征忽乘
滄浪舟仰高俯深清餐翠腹可飽飲淥身須輕鷓鴣不

相識還作故園聲

危峯瑩無土平地岌孤石如何半巖間亦有小樹碧走
空根苦辛倚險榦寒瘠芳蘭間叢生紫蕤濯幽色近香
許世聞遠秀絕人摘而我雲外身方茲慰行役

城中安得山無山安得詩我入五羊城遂與山水辭有
鏡不敢覽塵面我自知解維來歸亭山水奔相隨水光
動我巾山色染我衣舟行將一月恨速不恨遲山雲來
未已江月皎無滓平聲開懷放之入出語頗似之

我從靈州來惟見芳草渡蕪葭隨水遠曠野無立樹挂
席上真陽好山忽無數好山如隱士避世不自露不應
官道傍乃有見山處借識衛叔玠未覩樂彥輔石峯難
再得舟過更回顧

南中山絕佳所恨人烟稀畧無好事人結茆臨深溪峯
頂可月亭岸石即釣磯空令烟中猿挂崖弄漣漪山多
人自少人遠山益竒我舟行不留過眼山如馳過眼意
已足久留亦何為

遠峯

孤巘秀何似碧蓮含未開誰將脩月斧斲取一尖來

江上松徑

一日江行百折中回頭猶見夜來峯好山十里都如畫
更與橫排一徑松

上濛漁灘

清江斜抱嶺根來暗石衝波却倒回幸自瑠璃青一片
落灘碎作雪花堆

回望摩舍那灘石峯

好山近看未為竒
遠看全勝近看時
回望七峯雲外笋
兩峯高絕五峯低

明發白沙灘聞布穀有感

提壺勸我飲杜鵑
勸我歸不如布穀
子勸我勤耘耔我
少貧且賤不但無
置錐筆耒墾紙田
黑水導墨池借令
字堪煮識字亦幾
希啼飢如不聞飢
慣自不啼駿奔三
十年辛勤竟何為
髮從道塗白面為
風霜黧夜來白沙

灘老命輕如絲洪濤舞一葉呼天叫神祇生全乃偶然
人力初何施曉聞布穀聲如在故山時坐令萬感集初
悟半世非一險靡不悔數悔庸何追有田不歸耕布穀
真吾師

寄賀建康留守范參政端明

袞衣不是未教歸不合威名滿四夸天與中興開日月
帝分萬乘半旌旗春生錦繡山河早秋到江淮草木遲
卧護北門暮月爾却專堂印鳳凰池

一生狂殺老猶狂只炷先生一瓣香不為渠儂在廊廟
無端將相更文章江南海北三千里玉唾銀鈞十萬行
早整乾坤早巖壑石湖風月剩分張

荔支堂畫懋

荔子陰中風絕涼菖蒲節後日偏長落殘數柄荷花藥
浸得一瓶泉水香多病早衰非破硯欲行復倦且胡牀
曲江近北差遲着不道江山勝五羊

風雨

殘風剝雨故欺人
垂箔關窓護病身
自拾荷花揩面汗
新將筍箨製頭巾
梅天筆墨都生醜
棊几文書懶拂塵
帽子一峯青可掇
隔牆不敢略開門

謝從善挽詞

一腹儲三篋
雙鈎挽萬牛
行身平中準
閱世淡於秋
紫誥猶新墨
霜鬢忽古丘
清風未作記
挂劍淚川流

送彭元忠縣丞北歸

君從循州來
却向饒州去
拍天海浪拂
日峯瑤尺裁
成

錦機句學詩初學陳後山霜皮脫盡山骨寒近來別具
一隻眼要踏唐人最上關三春弱柳三秋月半溪清冰
半峰雪只今六月無此物君能喚渠來入筆恰別新鶯
百轉聲忽有寒蛩終夜鳴瀟湘故人江漢客為君一夜
頭盡白我欠天公詩債多霜髭撚盡未償它君懷玉槃
金叵羅合騎天駟超天河如何也鑄一大錯自古詩人
多命薄黃茆起烟如黃沙瘴母照水曼陀花廣東之游
樂復樂勸君不如早還家

行部決獄宿新隆寺觀鄒至完題壁

道鄉千古一清風
雪壁銀鈎墨尚濃
若愛殿前蒼玉佩
斷無身後碧紗籠

題望韶亭

新隆寺後看韶石
三三兩兩各依稀
金坑津頭看韶石
十十五五不整齊
一來望韶亭上看
九韶八音堆一案
金鐘大鏞浮水涯
玉瑟瑤琴倚天半
堯時文物也麤疎
禮樂猶帶洪荒餘
茅茨殿上槌土鼓
葦籥聲外無笙竽

黃能郎君走川嶽領取后夔搜禮樂嶧陽桐樹半夜鳴
泗水石頭清晝躍山祇川后爭獻珍姚家制作初一新
帝思南嶽來時巡宮琛廟寶皆駿奔曲江清澈碧瑤軟
海山孤尖翠屏展天顏有喜后夔知一奏雲韶供亞飯
帝登九疑忘却歸不知斑盡湘笛枝后夔一脛跛莫隨
坐委衆樂江之湄鳳儀獸舞掃無跡獨留一狻守其側
至今喚作獅子石雨淋日炙爛不得洞庭張樂已莓苔
捷爲獲磬亦塵埃不如九韶故無恙戛擊尚可冬起雷

何時九秋霜月裏來聽湘妃瑟聲美曲終道是不見人
江上數峯是誰子

憇楹塘驛

夾路黃茆與樹齊人行茆裏似山雞長松不與遮西日
却送清陰過隔溪

松鳴竹嘯响千崖為底炎蒸吹不開自是筍輿趨北去
薰風不是不南來

官道古松

翠旌綠纛夾車輪
龍作長身鐵作鱗
莫笑道傍數松樹
古來老却幾官人

誠齋集卷十六


謹案卷十五第六頁前七行也無地上落花痕按
痕字出韻

卷十六第三頁前六行惜今貴殺衡陽紙按宋詩
鈔惜今作借令

第五頁前五行只言瘴雨無南雪原本言訛緣據
別本改

欽定四庫全書





總校官庶吉士臣張能照

校對官庶吉士臣陳文樞

謄錄監生臣周學濂

欽定四庫全書薈要

集部

誠齋集卷十七

八

詳校官助教臣謝登雋



欽定四庫全書蒼要卷一萬五千五百九十四

集部

誠齋集卷十七

宋 楊萬里 撰

南海集

南雄驛前雙柳

外計堂前柳絕奇南中無此兩渦絲
午風不動休嫌暑
要看枝枝自在垂

南雄解舟

憶昨春江上水船即非上水是登天如今下瀨江無水
始信登天却易然

過建封寺下連魚灘

江收衆水赴單槽石壁當流鬪雪濤將取危舟飛過去
黃頭郎只兩三篙

夢裏篙師忽叫灘老夫驚殺起來看前船過盡知無慮
末後孤舟膽自寒

六月十八日立秋送客夜歸雨作

青天赤日更黃埃
迎送紛紛正往來
一夜炎蒸無計奈
三更風雨領秋回
人生作麼禁寒暑
世事何如付酒杯
遮莫髯間點霜雪
何曾筆下減瓊瑰

送廣帥秩滿之官丹陽

北門卧護要者英
小試胸中十萬兵
天借金山吟落月
身兼鐵瓮作長城
何如嶺上因歸路
摘取梅酸去作羹
已有紫泥教詣闕
便應留住付鈞衡

南海元戎禁從臣却昇北斗捧星辰回頭五嶺忽千里
屈指十賢添一人笑別廣平堂下月歸看太極殿前春
一尊話別端何有綠水青山更白雲

晚步

晚暑無涼可得尋小風一點慰人心斜陽碎入高榕葉
翻作青瑤覆作金

寄題臨武知縣李子西公廨君子亭

王家喚竹作此君周家喚蓮作君子泥中懷玉避俗塵

水上開花超大地紅裳翠蓋映眼中欲往從之隔秋水
牡丹貴人非吾徒籬菊隱士堪隣居李侯岸巾對芙蓉
不寄新詩來起予

謝木韞之舍人分送講筵賜茶

吳綾縫囊染菊水蠻砂塗印題進字淳熙錫貢新水芽
天珍誤落黃茅地故人鸞渚紫微郎金華講徹花草香
宣賜龍焙第一網殿上走趨明月璫御前啜罷三危露
滿袖香烟懷璧去歸來拈出兩蜿蜒雷電晦冥驚破柱

北苑龍芽內樣新
銅圍銀範鑄瓊塵
九天寶月霏五雲
玉龍雙舞黃金鱗
老夫平生愛煮茗
十年燒穿折脚鼎
下山汲井得甘冷
上山摘芽得苦梗
何曾夢到龍遊窠
何曾夢喫龍芽茶
故人分送玉川子
春風來自玉皇家
鍛圭椎壁調冰水
烹龍魚鳳搜肝髓
石花紫笋可衙官
赤印白泥牛走爾
故人氣味茶樣清
故人風骨茶樣明
開緘不但似見面
叩之咳唾金石聲
麴生勸人墮巾幘
睡魔遣我拋書冊
老夫七碗病未能
一啜猶堪坐秋夕

荔枝堂夕眺

夕峰褪日半鉦多秋漢吹雲一絮過寂寂庭松今兩月
鶴雛去盡只留窠

病骨秋臞怯暮清涼風偷帶北風輕迎寒窻隔重糊徧
只放書邊數眼明

閏年秋淡似秋深蟋蟀將愁傍砌吟今日初三元未覺
西樓西角一鈎金

羅仲憲送焯菜謝以長句

學琴自有譜相鶴自有經
疏經我繙盡不見焯菜名
金華詩裏初相識玉友尊
前每相憶坐令芥孫薑子
芽一見風流俱避席取士
取名多失真向來許靖亦
誤人君不見鄭花不得半
山句却參魯直稱門生

曲江重陽

烟描水寫老秋容
嶺外秋容也自濃
如見大賓新露菊
若歌商頌曉風松
插花醉照濂溪井
吹髮慵登帽子峰
莫問明年衰與健
茱萸何處不相逢

九日郡中送白菊

未應白菊減於黃金作鈿心玉作裳一夜西風開瘦蕾
兩年南海伴重陽若言佳節如常日為底寒花分外香
接蕊浮杯莫多著一枝留插鬢邊霜

擬題綿州推官廳六一堂

唐子西集載謝固為綿州推官推官之解歐陽
公生焉謝作六一堂求子西賦詩云即彼生處
所館之與周旋子謂此非子西得意句也輒擬

而賦之

一代今文伯三巴昔產賢
白珩光宇宙藍水暗風烟
有客曾高枕升堂見老仙
夢中五色筆猶為寫鳴蟬

擬進士金波麗鳩鵲詩

曳練為銀漢鎔金作月波
桂華斜麗處鳩鵲得光多
雲葉三秋淨菱花一鏡磨
宮簷輝水竹觀影淡星河
霧濕殘宵析霜明欲曉
珂螭頭餘映在劔佩已相摩

督諸軍求盜梅州宿曹溪呈葉景伯陳守正

溥禪師

南斗東偏第一山，白頭初得扣禪關。
祖衣半似雲來薄，金鑰纔開霧作團。
一鉢可能盈尺許，千年有底萬人看。
今宵雪乳分龍焙，明日黃泥又馬鞍。

曉炊黃竹莊

染練江山宿雨餘，枝枝葉葉潤如酥。
絲窠瓔珞消多少，破費天公百斛珠。

瑄灰簌簌欲飛聲，日到牽牛第幾星。
地底陽生人不覺

燒痕未冷已青青

城中殊未有梅看莫是冬暄欠淺寒
行到深山最寒處
兩株香雪照冰灘

上岑水嶺

危峰上面更危峰特地無梯上碧空
遙望白雲生絕頂
如今身在白雲中

天上雲泉脚下鳴玉虹倒挂客心驚
試教轉落峰頭石
滾到深溪作麼聲

過岑水

石瘦銅苗綠溪腥膽水黃是間無馬跡何處更羊腸惡
路今方始平生夢未嘗如何寒刮骨行得汗如漿

野炊白沙沙上

半日山行底路途欲炊無店糴無珠旋將白石支燃鼎
却展青油當野廬一望平田皆沃壤只生枯葦與寒蘆
風餐露宿何虧我玉饌瓊樓合屬渠

至節宿翁源縣與葉景伯小酌

此縣誰言是強名古來十室亦琴鳴只嫌六七茅竹舍
也有兩三雞犬聲村酒分冬勝虛度霜風一夜辨新晴
半生客路逢佳節佳節何曾負半生

至日宿藍坑小民居竹柱荻壁壁皆不土

一路都岑寂藍坑分外荒屋疎茅送月壁密荻分霜病
趾催趺坐殘更妬曉光暖寒無上策來早借朝陽

曉晴過猿藤逕

厭雨欣初霽貪程敢宴眠排天雙壁起愛日一峰先入

逕惟逢柳無人況有烟藤深猿不見聲到客愁邊

古路

我生倦行路此行欣不辭我豈與人異厭閒樂驅馳王
事當有行忘身那自知閩盜入吾部梅川作潢池白羽
飛赤囊碧油走紅旗履霜戒不早蔓草要勿滋士皆衝
冠怒人挾報國私我行梅始花我歸柳應絲會當揮螯
弧一笑封鯨鯢休愁犖确路即賦競病詩

野炊猿藤逕樹下

逕仄旁無地林間忽有天丹楓明遠樹黃葉暗鳴泉苔
錦銀槍竈蘆茸玉帳毡從軍古云樂乞與箇山川

泉聲

初聞蟹眼雪花聲忽有仙人玉珮鳴時作微吟清入骨
又成幽咽怨多情聞知古澗飛泉落起看寒泓遶石行
欲解塵纓聊一濯無塵可濯濯誰纓

羽檄召諸郡兵

閩盜宵窺粵南兵曉盡東軍聲動巖谷旗影拂霜風貌

虎諸方集欖槍一笑空區區鼠子輩不足奏膚公

明發隴頭

黑甜偏至五更濃強起侵星敢小慵輸與山雲能樣懶
日高猶宿夜來峰

過烏沙望大唐石峰

城中長恨不見山出城見山如等閒曹溪過了過岑嶺
不惟山粗石仍獷山如可師癩滿頂石如陳三癭聯頸
一路令人眼不開開眼令人悶不醒烏沙未到一溪橫

水清見底心已清大唐六峰爭出迎水精筆架琉璃屏
兩峰玉筍初出土三峰冰盤釘角黍一峰新琢金博山
霧作沈烟雲作縷忽然前岡平截斷萬丈青尖餘寸許
山神解憐客子愁平地跳出蒼琳璆更借天公脩月斧
神工一夜忙凋鏤近看定何者遠看真可畫山神自賀
應自詫古來此地無車馬

竹魚

晨炊烏沙有賣竹魚者身首如鱖而厚鱗如鯉

而正綠如竹色云

銀魚色如銀竹魚色如竹渭川千畝秀可掬都將染成一
身綠魚生竹溪中家在竹根菱荇叢書餐竹葉與竹
米夜飲竹露吹竹風前身王子猷今身赤鯁公只知愛
竹判却命化作此君蒼雪容漁翁夜傍竹溪宿魚驚釣
絲水底縮朝來釣得水蒼玉先生笑捫藜覓腹

蕈子

空山一雨山溜急漂流桂子松花汁土膏鬆暖都滲入

蒸出草花團戢戢戴穿落葉忽起立撥開落葉百數十
蠟面黃紫光欲濕酥莖嬌脆手輕拾色如鴛掌味如蜜
滑如蓴絲無點澁傘不如笠釘勝笠香留齒牙麝莫及
菘羔楮雞避席揖餐玉茹芝當却粒作羹不可疎一日
作腊仍堪貯盈笈

食鷓鴣

江南厭聽鷓鴣曲嶺南初嘗鷓鴣肉年年細雨落花春
鉤輅格磔惱殺人竹雞泥滑報行客鷓鴣更道行不得

方兄百輩買一隻可惜羽衣錦狼藉

宿小粉村

暮宿溪邊小粉村一峰如筆正當門
看來山色原無粉
拂殺濃藍淺黛痕

塘閘

山逢塘閘冠南中小大高低十九峰
東畔連天尤絕秀
一雙銅綠翠鋪茸

入陂子逕

下一嶺上一嶺上如登天下如井人言箇是陂子逕猿
藤逕裏無居民陂子逕裏無行人冷風瀟瀟日杲杲露
濕半黃半青草前日猿藤猶有猿今此一鳥亦不喧樹
無紅果草無蕊縱有猿鳥將何餐兩山如壁岸如削一
逕緣空仄容脚溪聲千仞撼林壑崖石欲崩人欲落來
日長峰逕更長陂子逕荒未是荒蔣家三逕未入手嶺
南三逕先斷腸

過陂子逕五十餘里喬木蔽天遣悶七絕句

林中亭午始微明
楓倒杉傾滿路橫
黃葉青苔深一尺
先生却愛此中行

草光葉潤亦清佳
翠裏生香不是花
一事說來人不信
蕨長如樹蚓如蛇

蘆深石路旋芟開
藤絰肩輿却倒回
蘭蕙連山為誰好
芭蕉滿谷不緣栽

為憐上轎齧人肩
下轎行乘脚底穿
客子心心愁欲暮
碧雲偏作半陰天

晚風寂寂樹陰陰
松不悲鳴竹不吟
只有清泉逢白石
向人刺口說山林

澗泉勸我出山遲
曲曲遮留步步隨
泉自多情儂自悶
今宵會有出山時

山窮喜見一平川
不似林中不識天
只此出山災便散
何須更問小行年

過長峰逕遇雨遣悶十絕

南人謂深山長谷絕無人烟中通一路者謂之

逕自翁源至河源其逕有三猿藤陂子各五十
里惟長峰餘百里過者往往露宿鑽火以炊予
以半夜一晝疾行出逕宿秀溪云

說着長峰十日愁夜來發處四更頭莫令炬火風吹黑
未說紅紗絳蠟休

百里如何一日行暗天猶自急追程山雲管得儂愁雨
強做催詩數點聲

野炊未到也飢嗔到得炊邊却可人傘作旅亭泥處坐

水漂地竈雨中薪

石上菖蒲鐵作鬚寸根九節許清臞安期自是餐渠底

却重安期不重渠

世傳安期生食蒲澗九節菖蒲而仙去

一眼空山空復空欹蘆倒荻雨和風却緣小隊旌旗過

教得青楓學着紅

何須人跡到來曾點汙松風澗水聲不是先生愛山水
是間却遣阿誰行

猿藤陂子枉驚吁未抵長峰小半塗今夕前頭何許宿

不知出得逕來無

下到危坡斗處泥
旁臨崩岸仄邊溪
不須杜句能驅瘧
只誦長峰遣悶詩

出得山來未見村
已知村近稍多田
坐看雲脚都垂地
回望峰頭已入天

鱸是鮫兄非善地
橘知辨種帶穰栽
烏稗不熟還無事
小艇難乘莫再來

明發曲坑

雲橫平野近人低似素如紗只隔溪行到溪東元不見
回頭却復在溪西

露草欣逢曉日新各將珠琲鬪呈珍紅光影裏如何揀
顆顆圓明顆顆勻

明發龍川

山有濃嵐水有氛非烟非霧布游雲北人不識南中瘴
只到龍川指似君

優入蠻溪受瘴烟一生誰料到龍川早書實歷還山考

便是中書九閏年

發通衢驛見梅有感

忙中掠眼雪枝斜
落片紛紛點玉沙
虛過一冬妨底事
不曾欸曲是梅花

過五里逕

瘦日當中暖稍回
冷山未許瘴全開
溪光遠隔深深竹
特地穿簾入轎來

野水奔流不小停
知渠何事太忙生
也無一箇人催促



自愛爭先落澗聲

入山無路出無門
鳥語猿聲更斷魂
常慮迷途何處問
一溪引我到前村

晨炊浦村

水出何村尾橋橫
亂篠叢隔溪三四屋
對面一雙峰過
午非常暖疑他不是冬
疎梅照清淺作意為誰容

宿長樂縣驛驛皆用葵葉蓋屋狀如梭葉云
都將葵葉蓋亭中
樹似桄榔葉似梭
欲問天公覓微雪

裝成急響打船篷

題興寧縣東文嶺瀑泉在夜明場驛之東

筍輿路轉崖欹傾只聞滿山泉水鳴卷書急看已半失
眼不停注耳細聽石如鐵色黑壁似鏡面平水從鏡面
直飛下蘄笛織簟風漪生石知水力倦半壁鍾作玉一
泓水行到此欲小憩後水忽至前水驚分清裂白兩派
出跳珠躍雪雙龍爭不知落處深幾許但聞井底碎玉
聲安得好事者泉上作小亭釀泉為酒不用麴春風吹

作蒲萄綠醉寫泉聲入枯木何處更尋響泉曲

入程鄉縣界

長樂昏嵐著地凝程鄉毒霧噉人腥吾詩不是南征集
只合標題作瘴經

明發梅州

市小山城寂船稀野渡忙金暄梅蕊日玉冷草根霜

霜草

霜前亂碧未全枯霜後紛黃却更蘇偷喫瑤臺青女粉

都生瓊髮與銀鬚

夜宿房溪飲野人張珣家桂葉鹿蹄酒其法
以桂葉為餅以鹿蹄煮酒釀以八月過是則
味減云

桂葉揉青作麴投鹿蹄煮醪趁涼芻落杯瑩滑冰中水
過口森嚴菊底秋玉友黃封猶退舍壘湯蜜汁更輸籌
野人未許傳醅法剩買雙餅過別州

明發房溪

山路婷婷小樹梅為誰零落為誰開多情也恨無人賞
故遣低枝拂面來

青天白日十分晴轎上蕭蕭忽雨聲却是松梢霜水落
雨聲那得此聲清

瘴霧

午時猶未識金烏對面看人一似無臘月黃茅猶爾許
不知八月却何如

南中八月黃茅瘴正盛之時

過水車鋪

盡日途中斷客行兩邊山色到雲青溪光搖碎黃金日
波面跳成白玉星

轎裏看書得晝眠夢中驚浪撼漁船覺來書卷風吹亂
忘却前篇與後篇

宿萬安鋪

來朝送入鰐魚鄉未到潮陽到揭陽休說春風歸路遠
只今去路不勝長

過革竹洋逕

兩山何許來此焉忽相尋摩肩不少讓爭道各載駸喬
木與修竹相招為茂林無風生翠寒未夕起素陰天垂
木末近日到谷底深空山時自響已動客子心行至幽
絕處更聞啼怪禽

自彭田舖至湯田道旁梅花十餘里

一行去聲誰栽十里梅下臨溪水恰齊開此行便是無官
事只為梅花也合來

觀湯田舖溪邊湯泉

下泓堪浴上堪煎
陰火熬成未必然
海底日升波自沸
偶分一脈作湯泉

湯田早行見李花甚盛

此地無春信
年年只是梅
南中春更早
臘月李花開
似妬梅花早
同時鬪雪膚
新年三二月
還解再開無

雨中道旁叢竹

竹色豈不好
道旁端可嗔
只教寒雨裏
將冷灑行人

雨中梅花

霜晴三日不勝佳，忽做陰霖送歲華。
客裏清愁自無奈，却教和雨看梅花。

過瘦牛嶺

行盡天涯未遣休，梅州到了又潮州。
平生豈願乘肥馬，臨老須教過瘦牛。
夢裏長驚炊劍首，春前應許賦刀頭。
夜來尚有餘樽在，急喚渠儂破客愁。

題瘦牛嶺

牛頭定向牛尾定，何指我不炙汝心。
我不穿汝鼻如

何不許見金牛霧隱雲藏若相避行行上牛背上下三十里一雨生新泥寸步不自致胡不去作牽牛星渴飲銀河天上水胡不去作帝籍牛天田春風牽犁耜却來蠻村天盡頭塞路長遣行人愁夕陽芳草只依舊瘦牛何苦年年瘦

道旁草木

山無人跡草長青異彩奇香不識名只是苔花兼蘚葉也無半點俗塵生

古樹何年澗底生只今已與嶺般平千梢萬葉無重數
一一分明報雨聲

葵葉

筠笠端能直幾錢騎奴不擬雨連天蓋頭旋摘山葵葉

擘破青青傘半邊

葉之狀
如此

過金沙洋望小海

海霧初開明海日近樹遠山青歷歷忽然咫尺黑如漆
白晝如何成暝色不知一風何許來霧開還合合還開

晦明百變一彈指特地遣人驚復喜海神無處逞神通
放出一班夸客子須臾滿眼賈人船萬頃一碧波黏天
恰似錢唐江上望只無兩點海門山我行但作遊山看
減却客愁九分半

揭陽道中

厭穿山徑石嶽嶽喜見山原路坦夷更着兩行圍樹子
引人行遠不教知

地平如掌樹成行野有郵亭浦有梁舊日潮州底處所

如今風物冠南方

宿潮州海陽館獨夜不寐

醉來還睡睡還醒長是三更夢便驚細數更聲有何益
不然作麼到天明

臘前蚊子已能歌揮去揮來奈爾何一隻攪人終夕睡
此聲原是不須多

謁昌黎伯廟

南海行幾徧東潮欠一來若無韓子廟只有越王臺文

字天垂日興亡草上埃聊吹鱈溪水灑起六丁雷

題韓亭韓木

老大音惰韓家十八郎猶將雲錦製衣裳至今南斗無精
彩只放文星一點光

笑為先生一問天身前後兩般看亭前樹木關何事
也得天公賜姓韓

誠齋集卷十七